

fuas thar talamh na h-Eiphit uile, agus dh'fhan iad ann an crìochaidh na Eiphit uile, gu ro-dhiubhalach<sup>a</sup>; rompa cha robh riamh an leithide do locuist, agus 'nan deigh cha bhi an leithide:

15 Oir chòmhdaich iad aghaidh na talmhainn uile, air chor as gu'n do dhorchaicheadh an talamh, agus dh'ith iad uile luibh na talmhainn, agus uile mheas nan craobh, a dh'fhàg a' chlach-mheallain: agus cha d'fhàgadh ni sam bith glas 'fna craobhaibh, no ann an luibhibh na machrach ann an tìr na h-Eiphit uile.

16 'An sin ghairm Pharaoh air Maois agus air Aaron le cabhaig, agus thubhairt e, Pheacaich mi 'n aghaidh an Tighearna bhur Dé, agus 'nar n-aghaidhfa.

17 A nis uime sin math, guidheam ort, mo pheacadh a mhàin an uair so, agus guidhibh air an Tighearna bhur Dia gu'n d'thoir e air falbh uam a mhàin am bàs so.

18 Agus chaidh e mach o Pharaoh, agus ghuidh e air an Tighearna.

19 Agus thionndaidh an Tighearna gaoth an iar ro-ladair, a thug air falbh na locuist, agus a thilg iad 'san fhairge ruaidh: cha d'fhan aon locust ann an crìochaibh na h-Eiphit uile.

20 Ach chruadhaich an Tighearna cridhe Pharaoh, agus cha do leig e air falbh clann Israeil.

21 Agus thubhairt an Tighearna re Maois, Sìn a mach do lamh gu nèamh, agus bithidh

dorchadas air feadh tìre na h-Eiphit, eadhon dorchadas a dh'fheudar a laimhseachadh.

22 Agus shìn Maois a mach a lamh gu nèamh: agus bha tiugh dhorchadas<sup>b</sup> ann an tìr na h-Eiphit uile rè thri laithean.

23 Cha'n fhaca h-aon diubh a chèile, ni mò a dh'éirich neach o àite rè thri laithean: ach bha aig cloinn Israeil uile solus 'nan àitibh-còmhnuidh.

24 Agus ghairm Pharaoh air Maois, agus thubhairt e, Rach-aibhse, deanaibh feirbhis do'n Tighearna; a mhàin fanadh bhur treudan agus bhur buar: rachadh bhur clann bheag mar an ceudna maille ribh.

25 Agus thubhairt Maois, Feumaidh tu mar an ceudna iobairtean a thoirt duinn, agus tabhartais-loisgte, chum as gu'n iobair sinn do'n Tighearna ar Dia.

26 Agus mar an ceudna théid ar spréidh maille ruinn; cha 'n fhàgar ionga nar déigh<sup>c</sup>, oir is éigin duinn gabhail diubh gu feirbhis a dheanamh do 'n Tighearna ar Dia; agus cha 'n'eil fhios againn cia leis a ni sinn feirbhis do'n Tighearna gus an d' thig sinn 'an sin.

27 Ach chruadhaich an Tighearna cridhe Pharaoh, agus cha leigeadh e leo imeachd.

28 Agus thubhairt Pharaoh ris, Imich a mach uam; thoir an aire dhuit féin, na faic m' aghaidh ni's mò: oir 'san là sin anns am faic thu m'aghaidh, gheibh thu bàs.

29 Agus thubhairt Maois, Labhair thu gu math; cha 'n fhaic mi t'aghaidh ni's mò.

C A I B.

<sup>a</sup> ro-mhillteach.<sup>b</sup> dall-dhorchadas.<sup>c</sup> cha'n fhàgar speir 'nar dé gh.